



Broj: 01-05-6163/13
Sarajevo, 19.04.2013. godine

SKUPŠTINA KANTONA -Ovdje-

Predmet: Odgovor na poslaničko pitanje - dostavlja se

Poslanik Nedžad Fazlija na 25. Radnoj sjednici Skupštine Kantona Sarajevo, održanoj dana, 27.03.2013. godine, u okviru tačke Dnevnog reda "Poslanička pitanja, inicijative i odgovori", a u skladu sa poslovníkom Skupštine Kantona Sarajevo pokrenuo je zastupničku inicijativu za "donošenje odluke o prenosu taxi oznake sa roditelja taxi prevoznika na djecu" te istu dostavio u pisanoj formi.

Na gore navedeno dajemo slijedeću informaciju:

Ministarstvo saobraćaja Kantona Sarajevo nije ovlašteno za donošenje odluke o prenosu taxi oznake sa roditelja taxi prevoznika na djecu.

Članom 10. Zakona o cestovnom prijevozu Federacije Bosne i Hercegovine, ("Službene novine Federacije BiH", broj: 28/06 i 2/10) propisano je da će Skupština kantona svojim propisom urediti uvjete, način i organizaciju vršenja taksiprijevoza.

Ministarstvo radi na izradi novog Zakona o taksi prijevozu, a u Nacrtu istog u članu 39. stav (2) predviđeno je da je taksi oznaka prenosiva na osobe prvog nasljednog reda, u slučajevima smrti, gubitka poslovne sposobnosti, utvrđivanja teške bolesti ili odlaska u penziju taxi prijevoznika.

Na navedeni nacrt Zakona Konkurencijsko vijeće je dalo negativno mišljenje (Mišljenje br. 01-26-7-08-2-I/12 od 04.10.2012. godine) sa sljedećim obrazloženjem:

"Navedeni članovi Nacrta Zakona, krše odredbe člana 4. stav (1) tačke b) i d) Zakona o konkurenciji, gdje je utvrđeno da su zabranjeni sporazumi, ugovori, pojedine odredbe sporazuma ili ugovora, kao i odluke i drugi akti privrednih subjekta, koji za cilj i posljedicu imaju sprječavanje, ograničavanje i narušavanje tržišne konkurencije, a koji se između ostalog odnose na ograničavanje tržišta te primjenu različitih uslova za identične transakcije sa privrednim subjektima, dovodeći ih tako u nepovoljan položaj u odnosu na konkurenciju."

Ministarstvo je po dosadašnjoj proceduri izrade Zakona već u tri navrata dobilo negativno mišljenje Konkurencijskog vijeća te smatramo da se ne može izraditi kvalitetan propis koji regulira ovu oblast uzimajući u obzir dosadašnja mišljenja.

S poštovanjem,

Dostaviti:

- Naslovu,
- Evidenciji,
- Arhivi.

M.P.

MINISTAR

Jusuf Bubica

